



INGILRANIKKUT UUKTUUTIKHAINIK ATUQTAKHANUT MALIGAQ

MALIGAQ UQAUTIT PIDJUTAALU

Pivalliyuliyikkut Ingilrayuliyitkullu piniyaqtut ikayuutikhainik nunalaanut hanaqilutik munarilugitlu nunani aullariutikhainik aulapkaidjutikhainik pidjutikhanginik nunalaat pivalliyuliyikkut atuqtakhainik, pitquhiinik inuuhirmikkut hulipkaidjutikhainik.

Nunavunmi Ingilrayuliyitkut Qanuriliurutikhait, *Ingirrasiliqta*, katidjutikhainik nunalaat atuqtakhanut ikayuutaayunut havaakhanut katidjutaayunut nunalaat ahiriyamingnut nunanut imaanutlu tariurnut.

Nunat Ingilranikkut Uuktuutikhainik Atuqtakhanut Nunani ikayuutikhaliuqpakut nunamingni apqutikhainik tariukkutlu aulapkaidjutikhainik. Nunat ikayuqtauyut atuqtakhanikhunguyut pittaaklutiklu hanayamingnik, munaqhidjutikhamingniklu.

Ingilranikkut Uuktuutikhainik Atuqtakhanut Maligaq hanaqivaktait maliktakhat atuqtauyukhallu taimatut Pivalliyuliyikkut Ingilrayuliyitkullu ikayuutauniaqtuq hanavallianikkut nunamingni apqutikhanik tariukkutlu aulapkaidjutikhainik talvuuna:

- Nunamingni apqutikhainik nunani tariukkutlu aulapkaidjutikhainik (Schedule A)
- Mikiyunut Umianut Kangikhungmi Akituyunut Ikayuutikhat(Schedule B)

HIVUNIKHALIURUTIKHAT

Hamna maligaq naunaiyaqtauhimayuq hapkunanga Hivunikhaliurutikhat:

- Inuit pitquhiinik ukpirriyainik talvuuna *Pijitsirniq* (ikayurlugit ihariattitqunagillu ilagit nuatqativullu), *Piliriqatigiinni/Ikajuqtigiinni* (havaqatigiingniq atauhirmik pinahuaqhuni), *Qanuqtuurniq* (piyauhimanginnaktunik piluni ikayuraanginnaqlunilu) tamnallu *Aajiiqatigiinni* (ihumaliuqatigingnikkut uqaqatigiikhutik ihumaliuqatigiikhutiklu).
- Pidjutikhaliurutikhainik nunamingni ingilrayuliyitkut aulapaidjutikhainik aullaqtiqtakhayuq nunaqaqtunit, ikayuqtaulunillu iluannitut manikhanik uvaluunniit adjikiktunik ikayuqtuqhauplunilu, anginikharmik.
- Nunaqaqtut nunamingni anginikharmik ilauyukhauyut ihumaliurutikhanut pidjutaayunut nunamingni ingilradjutikhanut aulapkaidjutikhanik.
- Inungnit niuvrutauhimayunit manii ikayuutikhauyut nunaqaqtunut.
- Havaakhat angikliyumiqtitiyaangat angininganik maniiit.

Pivalliyuliyikkut Ingilrayuliyitkullu

UUKTUUTIKHAT

Nunalingni Ingilranikkut Uuktuutikhainik Maligaq hanaqivaktut maliktakhat atuqtauyukhallu ikayuutikhainik nunanut nutaanik uvalu ihuaqhautikhainik nunamingni ingilradjutikhanut aulapkaidjutikhanik, ilauyutlu nuani apqutikhanik, imakktulu aulpkaidjutikhainik.

TUKILIURUTINGIT

Nunalingni

Nunalingni Nunavunmi ilaliutihimayut atani talvuna *City-ngit*, *Nunagiyaayut*, *Angivallaangittutlu Nunagiyaayut Maligaq* ataniluunniit *Hamlatku Maligaq*.

Ikayuutit Angirut

Kantulaqaqtunut manikhanik angiruttaak malruuyuk havaqatigiiktuk naunaikhihimayut piyakhainik unniudjutikhaniklu munariyakhainik tamarmik ilauyunut.

Havagviat

Havagviat Pivalliyuliyikkut Ingilrayuliyitkullu.

Nunalaani Apqutikharnut Havaaqhaq

Nunalaani Apqutikhat uvaluunniit aullaagvikhanik, nunamingnit qanittuut nungiyamingnut pidjutaayunik ilaulayut hapkuat: hulilukagvingnut, tangvaagviit, ingilrangnitat, nunamingnillu hulivingit imiktarviit uvaluunniit hikulitirviit iqalukhiurvingnut, aullarvikhanut aqiyunutlu hulipkaivikhainik.

Nunalaani Umiakkuktunut Aulapkaidjutikhanik

Ilauttaaktut qainanut tullaktarvik, annuraitkutikhaq uyaqqanik umiat tullaktarvikhaniktut, nutqarvikhat, umiap hamitirvikhanik, puptalaaktuq tullaktarvikhak, qainnanut ikhuragvikhak, umidjat ipirvikhanik, allaniklu aulapkaidjutikhanik, nunangani, uhilikhivikhat uhiyaivikhatlu, ahiruktalivikhanik hanavikhaniklu umianik qainnaniklu.

HAVAARIYAKHANGIT MUNARIYAKHANGITLU/PIYUNGNAUTIT ATUTTIAQNITLU

Hivuliqtuiyut Katimayiit

Hivuliqtuiyut Katimayiit angiqtakhait atuqtaghanut iluaniitut unalu allanik piyaqaqpiagtunut uumani maligaq.

Minista

Minista kiuttaaktuq Hivuliqtuiyut Katimayiit atuqtitiliutanut hapfuma maligaq. Minista iluiraihunguyuuq aipparurangat Maligaliurvingmi Katimadjutikhanut naittumik ikayuutit naunaiyakhimayunik aktilanganik atauhilaat ikayuutikhat, qanurituyakhainiklu uuktuutikhanik ikayuqtauyunik, nunanganiklu.

Minista tunihiniaktuq atannguyayuyukhamik atuliqtitidjutikhanik uminga maligarmik talvunga Havagviat atanirmut.

Pivalliyuliyikkut Ingilrayuliyitkullu

Havagviat

Havagviat ataniq tunihiniaktuq atannguyayuyukhamik angayukhirmik atannguyamik talvanga havagviat atuqtitiliutanut hapfuma maligaq. Havagviat ataniq, tikkuqaqtauhimayuuq angayuqaaq, piniaktuq:

i) Hanaqilutik uqautigilugitlu naunaittiakhimayut naunaikpiaghimayut atuqtakhait qanuqtut maniit tuniyayuyukyut pidjutaa ikayuutikhanik ingilranikkut aulapkaidjutikhait pivalliadjutikhainik atani uuma maligaq. Hapkuat tuhaqtitauniaktut aipparurangat titiqidjutimut tuyutauvaktumut nunallaanut hapkuat uqautigiplugit:

- o Uuktuutikhait Atuqtakhait
- o Naunaiyarnikkut Atuqtakhait
- o Maliktakhait atuqtauuyukhallu

ii) Hanaqilutik maliqayakhanik atuqtakhanik havaakhanut tukhiklutik tuniyaulutiklu uuktuutikhanik pittaaktunit nunallaanit pidjutiqaqtunik ihuaqtauhihanut angiqtauhimayunik Kavamangat Nunavut maniliurutikhait hivulliutihimayut.

iii) Takkupkaivaklutik ukiuk tamaat tuniyauvaktunik, aktilanganik tamainik ikayuutikhait, naittumiklu naunaitkutainik qanuritut havaakhat ikayuqtauuyut.

Qakuguliqaak, havagviat tukhinnariaqaqtuuq uukturumayut tuyuinnariaqaqtut allanik naunaiyautikhanik ihuaqtunik qanurinnianut aktilanganik tukhiktauuyut ikayuutikhait.

Havagviat pittaaktuq:

- i) Angiqtauvaktut uktutit amihuni ukiuni havaakhauhiq, manikhaqaqqata;
- ii) Hanaqilutik kiklikhainik manikhat hailiyut kinamutliiqaak nunamut atani umani maligarmi; unalu
- iii) Ilaupkainikkut pingahuanik ilaiyut ayuittainik unalu/uvaluunniit hanaqilutik naunaiyainikkut havaqatigiiktunik ikayuutikhainik naunaiyautikhanik havaakhat.

ILUANNIITTUT

- Piittuuq uumani maligaqmi qanuqli taiyaulimaittuq kiklikhariami pipkaijtutipluni Nunavunmi Nunataarutit Angirutingani. Una Angirut piqariaqaqtuuq qulliyuyukhaq umanga maligarmi
- Kiinauyaliqinikkut atuqtakhait piyariaqaqtut atani titiraqhimaymi umani maligarmi naunaiqtut angiqtaugaangat Maligaliurvikmit pittaarninngani maniit ihuaqtumi manikharvikhami.
- Tamaita iluanniittut *Kiinauyaliqinirmut Auladjutikhanut Maligaq* talvanillu Maningnik Aulapkainikkut Makpiraami atuniaktut munagitjutikhainik tamamik kinauyait uvalu ikayugutikhait tunivaktut Munagiyiinit havagviat.
- Nunallaat tuniyauhimayut ikayuutikhanik atiliuriaqaqtut ikayuutit angirutimik naunaikhihimayumik maliktakhait atuqtauuyukhallu atani nallianik ikayuutikhamik tuniyauhimayut.

Pivalliyuliyikkut Ingilrayuliyitkullu

- Tuniyauullayut maningnik atani uumani maligarmi kihimik tuniyauyariaqangitut angigtauyariaqangitut kiinauyanik ikayuutunik uvanga. Maniit ikayutighat tuniyauvaktut aktilaakhainanut hailikpattallu maniit tuniyauhimagut umani maligarmi.
- Havagviat pilaarutigiyat nutqaqtaaktat una angirutat taimaaqtiqlugullu havaakhamit havaknahuaktamingnit hivunikhangit iniqtaungitpata.
- Havaakhat pukuktauhimagut tuniyauyukhat ikatuutikhanik atani umani pinahuarutimi tuniyauniarunakhuyut mikitqiyaanik manikhamik aktilanganik tukhiktauhimagumit.
- Taimata tuniyauhimagut manikhamik angiriaqaqtut nunalaani tautugiaqaqtainut naunaiyagikhimayunut tuniyauhimagut uvani titiraqmi turrangayunik havaakhanut manikhanik atani umani maligarmi.
- Taimata tuniyauhimagut angiriaqaqtut pipkaklugit havagviat upautivikhanik havaakhamut nayuganik uvaluunniit iglumi nayugaanut, takuugilutik titirautainik tamainik tutqumaviinik maniliqutainiklu titiraqhimayunik turrangayunik havaakhamut, unalu allanik naunaikhivikhainik tukhiktauhimagumit havagvianit naunaikhivikhainik ihuaqtumik havaakhat havaktauhimaguhainik.
- Hunatliqaak aulapaidjutikhaliukhimayut atani umani maligarmi piutigiyauiaqtut nunaani tuniyauhimagut aittuutunik maningnik. Kavamangat Nunavut ihumagiyut nanminiqaqtut munariyakhainik uvaluunniit akiliqtakhanik turrangayunik aulapkaidjutikhainut hanaqiyauhimagut atani umani maligarmi.
- Piyuminaqqat havaakhauhiq uvaluunniit hulipkaiyutait atuqpaktaghat Nunavunmiutanik tamayanik atuqtaghamingniklu niuvavaklutik.

IHMALIUTQIQTIT

Uuktuqtut pinnariaqaqtut ihuaguhungitkumik aituqtaungitkumiklu maniktaqvikhaqnik. Tunikhaidjutainik manikhat akungani nunallaani pidjutauleimaittut ihuaruhungitkumik ihumaliutqiqutinut. Ihumaliutqiqutit ihivriuktauniaqtut Ikayuqtianit Tukliata Ministanit Ingilrayuliyitkut, tuyutauyukhaq maliqalugit maliktakhat.

ATAN'NGUYAUTAIT ATAN'NGUYAIT KATIMAYIIT

Piittuq uumani maligaqmi qanuqli taiyaulimaittuq kiklikhariami pilaarutinginik Atan'nguyautait Atan'nguyait Katimayit ihumaliuriamikni ihuarhigiamiluunniit pitqutigiplugu tamna Qanurittaarninngani aulapkaitjutingit ikayuutit, hilataani iluanniittut umani maligarmi.

INIKTIRUTIKHAIT

Hamna maligaq atuqtauyukhaq himmauhiqqaqtitlugu taimaaqtaukpatluunniit. Havagviat ihivriuktiniaqtuq uminga maligarmik tikitinnagu Qiqaiyarvik 31, 2020.

Pivalliyuliyikkut Ingilrayuliyitkullu

Schedule A: Apqutikhainik Nunani Tariukkutlu Aulapkaidjutikhainik

Pidjutaa

Nunamingni apqutikhainik nunani tariukkutlu aulapkaidjutikhainik havaktauvikhanut naunaitkutikhamik ikayuutauniaqtuq nunallaanut piliurutikhanik nunamingni ingilranikkut igluqpakhanik aulapkaidjutikhaniklu katitirutikhanik nunalaat maniliurutikhanik nunamit atuqpagainut pivalliatjutikhanut pitquhimingnillu inuuhikhamingnik hulilukaarutikhainik.

Pittaaktut Uuktuqtut

Nunallaanit maliktuq timiqutigiyayuq ilaliutihimayuq uumani *City-ngit, Nunagiyayut, Angivallaangittutlu Nunagiyayut Maligaq, unaluuniit Haamlangit Maligat.*

Pittaaktut Hulipkaidjutikhat Akiliutikhaillu

Pivalliadjutikhanginik nunamingni ingilranikkut igluqpakhanik atuqtakhainiklu aulapkaidjutikhamingniklu:

- Nunalaani Apqutikharnut; unalu
- Nunalaani Umiakkuktunut Aulapkaidjutikhainik

Havagviat ataniq, tikkuqaqtauhimayuq angayuqaaq, piniaqtuq;

- Hanaqilutik uqautigilugitlu naunaittiakhimayut naunaikpiaghimayut atuqtakhait qanuqtut maniit tuniyayukyut pidjutaa ikayuutikhanik ingilranikkut aulapkaidjutikhat pivalliadjutikhanik atani uuma maligaq. Hapkuat tuhaqitaniaktut aipparurat titiqidjutimut tuyutauvaktumut nunallaanut hapkuat uqautigiplugit:
 - Uuktuutikhat Atuqtakhat
 - Naunaiyarnikkut Atuqtakhat
 - Maliktakhat atuqtauuyukhallu

Hanaqilutik maliqayakhanik atuqtakhat havaakhanut tukhiklutik tuniyaulutiklu uuktuutikhanik pittaaktunit nunallaanit pidjutiqaqtunik ihuaqtauhihlanut angiqtauhimayunik Kavamangat Nunavut maniliurutikhat hivulliutihimayut.

Ihivriukhilutik Atuqtakhat INIKTIRUTIKHAIT

Havagviat tuniyaunvakhunguyut aipparuraikpat Apikhidjutit Uuktuutikhanik to all Nunavut Municipalities. Pittaaktut Uuktuqtut tuyutauvaklutik aipparuraikpat havaakhanut upalungaiyautikhat.

Uuktuutikhat ihivriuqtaulutiklu Havagviat Ingilrayuliyitkut Maligaq & Upalungaiyautikhat atuqhutik hapkuninga naunaiyautikhanik:

- qanuqtut uuktuutikhat pidjutikhainut naunaiyautikhanik havaakhat hivunikhangit;
- qanuqtut uuktuutikhat ikayuutikhanik nuani maniliurutikhanut pivalliadjutikhat

Pivalliyuliyikkut Ingilrayuliyitkullu

- pittaaktainik nunamingni munaqhidjutikhainut havauhikhainutlu havaakhat;
- qanuqtut pidjuhikhanik nunamingni hanaikhimayangini ikayuutikhanik manikhanut havaakhamut;
- Nunalaani katitihidjutikharnik pivalliatjutikharnik pittarutikhainut manikhanik;
- Atuqtaunikhainik nunamingni ayuittunut, havaktikhanik, ingilrutinik, tamayaniklu.

Hivitunikhanut, manikhat atani umani iniutikhanik tuniyauniaqtut adjikiktumik tamainut nunalaanut uuktuqtunut.

Ikayuutikhait Katitigutait

Uuktuutikhat mikinikhangnut ilaqaqhunguyuttunut:

- Atauttimut manikhat tukhiktauhimayut havaakhanut iniktirvikhainiklu;
- Naunaitkutikhanik aulapkaidjutikhat qanurinnianik qanuqtutlu atuqtaunikhainut;
- Naahuriyauyut nunanut ikayuutikhanik;
- Nunayamik naunaiyautimik turrangayunik tadsa aulapkaidjutikhanik uuktuqtauhimayunut aulapkaidjutikhanut turrangayuniklu aulapkaidjutikhanut upalungauyautikhalliuukhimayut hivuniptingni;
- Maniit atuqtaudjutikhanut atauttimut havaakhaq akikhanik akiliutikhaniklu umani hanadjutikhanut ukiungani;
- Auladjutikhanut munaqhidjutikhanutlu akiliutikhainut itqurniarutit; unalu
- Atuqtaunikhainik nunamingni ayuittunut, havaktikhanik, ingilrutinik, tamayaniklu.

Uuktuqtut tuyutigiyakhait allanik naunaitkutikhanik, tukhiktaukpata. Taimaitut tukhiutigivaktainut nahuriyauyukhat.

Aktilanganik

Piqangittuq mikinikharmik ikayuutikhamik. Anginikhaq ikayuutikhamik imatut aktigiyuq \$300,000.

Kavamatkut akiligutikhait kilinikaktut aktilanganik naunaiyautainut manikhainik angikhimayainik. Kavamatkut munarilaitut naiturutikhainik uvaluunniit avataanut, kihimi, nunalingnit apiqhillayut ihuaqhaiyumalutik uuktuutikmingnik akiliutikhanik allanut ihumagiyauhimitunut akiliqtakhanut, ilitturiyaukpata. Ihuaqhaqtauhimayuy ihivriuktauhunguyuy allatut uuktuutikhatut.

Ilakukpata manikhat, pinahuaruti atan'nguyauyuy apikhitaaktuq uttiqtilugu kavamatkunut uvaluunniit nuutitlugit maniit atuqtauyukhat tukliini ukiuni.

Pivalliyuliyikkut Ingilrayuliyitkullu

Akiliuhiarutikhaq

Ikayuutit mikitqiyaniq uvaluunniit aktikkutaaniq \$25,000 tuniyauniaqtut tamatkiklugu aktilanganiq akiliuhiarutikhaq iniqtaudjutaani havaakhaq. Ikayuutikhat angitqiyaaniq \$25,000 tuniyauvangniaqtut naunaiyautigilugit aktilaakhanik akiliqtuqtainik.

Ikayuutit angirutimik akiliuhiarutikhat naunaiyakhimayut atauhirmut havaakhaq manikhainik pitquyauhimayunik aittuqtauhimayunut.

Kiunnaqtut

Kiunnaqtut pitquyauhimayut titiraqhimayut atauhillanut ikayuutikhat angirutit havaakhamut nallaumayunik.

Havagviat ihivriunginnariaqaqtait maniliqtainik titiqangit aittuqtauhimayut naunaiyarnikkut atuqtauninganiq maniit atani umani naunaitkutaani.

Nunalingni tuniyauhimayut ikayuutikhanik tunihivaktukhat naunaitkutikhanik niuvrutinik imatutlu akiliqhimayanut maniit pitquyauhimayainut havagvianit. Nunalingni tunihiniaqtut kinguliqpaamik maniit titirautainik naunaitkutikhanik naunaiyakhimayunik talvani ikayuutit angirutimik atiliuqtauhimayanik havagviata.

Aittuqtauhimayut maliqatingitkumik kiunnaqtut pitquyauhimayut angiqtaulimaikhunguyut hivuningani ikayuutikhanik tapkuat iniqaqtinagit kiunnaqtut pitquyauhimayunik takupkailutiklu pinahuarutit atannguyayyunut imatut maliqatiumamayamingnik maliktakhaliukhimayunut kiunnaqtut pitquyauhimayunik aadjikkutainik havaakhat.

Maliktakhat

Ikayugutikhait atauhirmut ukiumut hivituniqaqtut. Ikayugutikhait amihunut ukiunut ihumagiyauniaqtut atauhilanut uktuutikhanut, angiqtaukpata tuniyauhunguyut ahivakhimayunik manikhaqaqqata talvani ukiungani.

Pivalliyuliyikkut Ingilrayuliyitkullu

Schedule B: Mikiyunut Umianut Kangikhungmi Akituyunut Ikayuutikhat

Pidjutaa

Mikiyunut Umianut Kangikhungmi Akituyunut Ikayuutikhat naunaitkutikhat ikayurumakpadjuk nunalaat pivalliadjutikhainik nunamingni Nunalaani Umiakkuktunut Aulapkaidjutikhainik.

Pittaaktut Uuktuqtut

Nunallaanit maliktuq timiqutigiyauyuq ilaliutihimayuq uumani *City-ngit, Nunagiyauyut, Angivallaangittutlu Nunagiyauyut Maligaq, unaluuniit Haamlangit Maligat.*

Pittaaktut Hulipkaidjutikhat Akiliutikhaillu

Pivalliadjutikhanik mikiyunut umianut kangikhungmi ikayuutikhanik aularanginaqtunut pivalliadjutikhainik nunalingni.

Havagviat Angiqtauvaktut uuktuutit amihuni ukiuni havaakhauhiq, kiinauyakhaqaqqata akighainik ukiuni atuqtughani. Havagviat nuutirittaaktut amiakkunik maningnik atuqtaungitpata talvanga Mikiyunut Umianut Kangikhungmi Akituyunut Ikayuutikhat maningnik atuqtakhanik hivunimingni aipparuqat.

Ihivriukhilutik Atuqtakhat iniktigutikhainik

Havagviat ataniq, tikkuuqtauhimayuq angayuqaaq, piniaqtuq;

- Hanaqilutik uqautigilugitlu naunaittikhimayut naunaikpiaghimayut atuqtakhait qanuqtut maniit tuniyauyukyut pidjutaa ikayuutikhanik ingilranikkut aulapkaidjutikhat pivalliadjutikhainik atani uuma maligaq. Hapkuat tuhaqtitauniaktut aipparurangat titiqidjutimut tuyutauvaktumut nunallaanut hapkuat uqautigiplugit:
 - Uuktuutikhat Atuqtakhat
 - Naunaiyarnikkut Atuqtakhat
 - Maliktakhat atuqtauyukhallu

Uuktuutikhat ihivriukhilutik havagvianit Ingilrayuliyitkut Maligaq & Upalungaiyautikhat atuqhutik hapkuninga naunaiyautikhanik:

- qanuqtut uuktuutikhat pidjutikhainut naunaiyautikhanik havaakhant hivunikhangit;
- qanuqtut uuktuutikhat ikayuutikhanik nuani maniliurutikhanut pivalliadjutikhat
- pittaaktainik nunamingni munaqhidjutikhainut havauhikhainutlu havaakhat;
- qanuqtut pidjuhikhanik nunamingni hanaikhimayangini ikayuutikhanik manikhanut havaakhamut;
- Nunalaani katitihidjutikharnik pivalliatjutikharnik pittarutikhainut manikhanik;

Pivalliyuliyikkut Ingilrayuliyitkullu

- Atuqtaunikhainik nunamingni ayuittunut, havaktikhanik, ingilrutinik, tamayaniklu.

Hivitunikhanut, manikhat atani umani iniutikhanik tuniyauniaqtut adjikiktumik tamainut nunalaanut uuktuqtunut.

Ikayuutikhait Katitigutait

Uuktuutikhat mikinikhauyunik ilaayukhat:

- Atauttimut manikhat tukhiktauhimayut havaakhanut iniktirvikhainiklu;
- Naunaitkutikhanik aulapkaidjutikhat qanurinnianik qanuqtutlu atuqtaunikhanut;
- Naahuriyayut nunanut ikayuutikhanik ilaayukhat, tahapkuanginaungitut; pitquhiinut iqalukhiurnikkut anguniarnikkutlu, maniliurutikhanik iqalukhiurnikkut, aquiyunut nunamingni umiatigut
- Nunayamik naunaiyautimik turrangayunik tadsa aulapkaidjutikhanik uuktuqtauhimayunut aulapkaidjutikhanut turrangayuniklu aulapkaidjutikhanut upalungauyautikhalliuukhimayut hivuniptingni;
- Maniit atuqtaudjutikhanut atauttimut havaakhaq akikhanik akiliutikhaniklu umani hanadjutikhanut ukiungani;
- Auladjutikhanut munaqhidjutikhanutlu akiliutikhainut itqurniarutit; unalu
- Atuqtaunikhainik nunamingni ayuittunut, havaktikhanik, ingilrutinik, tamayaniklu.

Uuktuqtut tuyutigiyakhait allanik naunaitkutikhanik, tukhiktaukpata. Taimaitut tukhiutigivaktainut nahuriyayukhat.

Aktilanganik

Piqangittuq mikinikharmik ikayuutikhamik. Anginikhaq ikayuutikhamik imatut aktigiyuq \$300,000.

Kavamatkut akiligutikhait kilinikaktut aktilanganik naunaiyautainut manikhainik angikhimayainik. Kavamatkut munagilaitut naitugutikhainik uvaluunniit avataanut, kihimi, nunalingnit apiqhillayut ihuaqhaiyumalutik uuktuutikmingnik akiliutikhanik allanut ihumagiyauhimitunut akiliqtakhanut, ilitturiyaukpata. Ihuaqhaqtauhimayuy ihivriuktauhunguyuy allatut uuktuutikhatut.

Ilakukpata manikhat, pinahuaruti atan'nguyayuyuy apikhitaaktuq uttiqtilugu kavamatkunut uvaluunniit nuutitlugit maniit atuqtauyukhat tukliini ukiuni.

Akiliuhiarutikhaq

Ikayuutikhat akiliqtauhunguyuy maliqatilitik taffuminga maliktakhat atuqtauyukhallu talvani Ingilranikkut Uuktuutikhainik Atuqtakhanut Maligaq ikayuutit angirutimik aittuqtauyuy atiliuqtakhanik.

Pivalliyuliyikkut Ingilrayuliyitkullu

Ikayuutit mikitqyanik uvaluunniit aktikkutaanik \$25,000 tuniyauniaqtut tamatkiklugu aktilanganik akiliuhiarutikhaq iniqtaudjutaani havaakhaq. Ikayuutikhat angitqiyaanik \$25,000 tuniyauvangniaqtut naunaiyautigilugit aktilaakhanik akiliqtuqtainik.

Ikayuutit angirutimik akiliuhiarutikhat naunaiyakhimayut atauhirmat havaakhaq manikhainik pitquyahimayunik aittuqtauyunut.

Kiunnaqtut Hamlatkut Unniudjutikhainik Maniit Ihivriunikkut Atuqtauniinik

Kiunnaqtut pitquyahimayut titiraqhimayut atauhillanut ikayuutikhat angirutit havaakhamut nallaumayunik.

Havagviat ihivriunginnariaqaqtait maniliqtainik titiqangit aittuqtauhimayut naunaiyarnikkut atuqtauninganik maniit atani umani naunaitkutaani.

Hamlatkut titiraqtukhauyut unniudjutikhainik manikhat qanuqtut atuqtauhimayakhainik naunaitkutikhami imatut:

- (a) Maniktakhainik – Pittaaktuq nunalingni ilaliutinariaqaqtanga una ikayuutikhat allanut manikhanut kiinauyaliqutimingnut titiqanut.
- (b) Unniudjutikhat – Nunalingni, ihuaqtumut titiraqtukhat talvani maniktakhainik titiqanik, naunaikhimayukhaq qanuqtut manikhat atuqtauniariakhainik ukiungani
- (c) Maniit Ihivriunikkut Atuqtauniinik – Piyariaqangittut nunalaat titiraqlutik unniudjutikhamik turrangayumik ikayuutikhanut, kihimik Maniit Ihivriunikkut Atuqtauniinik hamlatkunik ihivriukhidjutit naunaikhiyukhat qanuqtut ukiungani akiliqtuutihimayainik Pittaaktut Hulilukarutikhat naunaiktauhimayut naunaitkutani. Takupkaingitkumik qanuqtut atuqtauhimayunik manikhanik nunalgit ihuittumik havaktut.

Nunalingni tuniyauhimayut ikayuutikhanik tunihivaktukhat naunaitkutikhanik niuvrutinik imatutlu akiliqhimayanut maniit pitquyahimayainut havagviat. Nunalingni tunihiniaktut kingulliqpaangalu kiinauyaliqinirmut naunaitkutanik talvani ikayuutit angirutimik atiliuqtauhimayumik havagviani.

Aittuqtauhimayut maliqatingitkumik kiunnaqtut pitquyahimayut angiqtaulimaikhunguyut hivuningani ikayuutikhanik tapkuat iniqaqtinagit kiunnaqtut pitquyahimayunik takupkailutiklu pinahuarutit atannguyayunut imatut maliqatiumayamingnik maliktakhaliukhimayunut kiunnaqtut pitquyahimayunik aadjikkutainik havaakhat.

Maliktakhat

Ikayugutikhait atauhirmut ukiumut hivituniqaqtut. Ikayugutikhait amihunut ukiumut ihumagiyuniaqtut atauhilanut uktuutikhanut, angiqtaukpata tuniyauhunguyut ahivakhimayunik manikhaqaqqata talvani ukiungani.